



Broj: 01/04-05-1730/18
Sarajevo, 19.03.2018.g.

Gradsko vijeće Grada Sarajeva

N/r Igor dr. Gavrić, predsjedavajući

Predmet: Odgovor na vijećničku inicijativu upućenu na 11. sjednici Gradskog vijeća Grada Sarajeva (gradski vijećnik Samir Fazlić)

Veza: Vaš akt, broj: 01-GV-02-178-2/18 od 31.01.2018. g.

Poštovani,

Gradski vijećnik Samir Fazlić je uputio je vijećničku inicijativu sljedećeg sadržaja:

„Kao što je poznato, Gradsko vijeće nije usvojilo Amandman Kluba gradskih vijećnika Naše stranke podnešen na Prijedlog Budžeta Grada Sarajeva za 2018. godinu, a kojim je predlagano planiranje sredstava za finansiranje Projekta uređenja kaskada u rijeci Miljacki, pogotovu što je uvaženi profesor Langof sa Građevinskog fakulteta u Sarajevu dao stručno mišljenje po kome je od 22 kaskade u rijeci Miljacki, 21 kaskada devastirana toliko da predstavlja opasnost za građane.

Zato bi bilo dobro da Gradonačelnik, odnosno nadležna služba još jednom razmotri ovaj prijedlog, te da eventualno, pri predlaganju rebalansa Budžeta Grada Sarajeva za 2018. godinu ili na drugi način, uz stručnu pomoć i u saradnji sa nadležnima iz Kantona Sarajevo i gradskim općinama pripreme projekt tako da se već početkom ljeta počne realizirati izvođenje potrebnih radova u koritu rijeke Miljacke.“

Odgovor:

Uvažavajući stručno mišljenje profesora Zlatka Langofa sa Građevinskog fakulteta kao i Vašu inicijativu, te sa ciljem rješavanja problema koje uzrokuju kaskade na rijeci Miljacki Služba za urbano planiranje, investicije, stambene i komunalne poslove - Odsjek za komunalne poslove će pri predlaganju rebalansa Budžeta Grada Sarajeva za tekuću godinu uzeti u obzir navedeno, te za tu potrebu predložiti potrebna sredstva za izradu projektne dokumentacije. Na osnovu projekta, te procjenjene vrijednosti radova nadležna služba će pri predlaganju Budžeta za 2019. godinu predložiti dio potrebnih sredstva za izvođenje radova na uređenju kaskada, te u saradnji sa Ministarstvom privrede Kantona Sarajevo i eventualno zainteresovanih gradskih općina predložiti zajedničko finansiranje kod realizacije ovog projekta jer se pretpostavlja da je potreban izuzetno velik iznos koji Grad neće moći sam iznijeti.

Gradonačelnik

mr. Abdulah Skaka s.r.

Dostaviti:

- Naslovu,
- a/a

